



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三〇八

埵進齋詩集殘存二卷 金文淳撰

一

清風草堂詩鈔八卷 余崢撰

二三

十笏齋詩八卷 沈世楓撰

一二七

平菴詩集十二卷 黃世成撰

二二七

凝齋先生遺集十卷末一卷 陳道撰

三一

棄餘詩草二卷 查景撰

四六七

上湖紀歲詩編四卷上湖詩紀續編一卷上湖

分類文編十卷上湖文編補鈔二卷 汪師韓撰

四九三

堽進齋詩集卷七

錢塘金文淳質甫



錦川集上

錦州小凌河發源柳條遼外自松嶺之西南歸于海近城數十里又名錦州錦州府城文石如錦也茲土經明季喪亂屢焚兵火城賴郭圯山童樹禿無一遊覽之區雖有醫閭東峙虹螺西聳號稱名勝然去郡城遠者一二百里近亦不下五六十里難以屢至惟茲川近繞城基水清石齒致足觀覽予每公事少暇僕吏三四跨馬獨遊沿流而行滌洗煩俗又其中產鯽魚味極鮮美兩

目一晴左右連貫每歲冬月給鮮 天厨餽宰即以目別真偽予時從僚屬駕小舟搦釣具挺入設網為樂自守此郡三年矣計所遊歷何止一處而以此川名集者如人有勝友眾踈一契踈者雖勝要不若契者之不可忘也他日翻閱斯編應猶見我舊遊云爾

甲子元旦試筆

連村歲鼓夜驚驚打放庭梅曉更妍春到人間剛十日夢遶闌下又經年紫姑預把晴光卜綠蟻頻將好會傳獨有鄉心拋未得郡樓南望白雲連去臘二十

小凌河 官網戶聚居于此

堽進齋詩集

破堞不戴土荒村無幾家河流千里曲山勢一邊斜日落烟初上春寒草未芽凌兢憐網戶鑿凍下漁人

大凌河

百戰形殘地時平戍壘空人烟依郭外稻隴布城中失計全軍覆輕逃上將同遇于王化貞廣寧之敗熊廷弼與年鳴咽水山鬼泣悲風遇于此相率逃回山海關

人日宿柳河溝

十里平隄爾許長輕寒剪剪襲衣裳山街雪意雙尖白柳識春心一縷黃溝澗有聲傳馬耳風低無力嚇鶯吭金龜貫酒茅簷卧有夢應歸舊草堂

人日奉懷 家大人

前年帝里逢人日正值東君展青律去年人日仍京華兄團聚如居家今年又逢人日至見蓋行春宿郭次我生三十九人日舊事回頭總非一五馬雖然未二毛異鄉那不思同室夫堤高柳吐微黃塞草粘天塞路長東風力薄河猶凍南客鄉遙思易傷今年人日復明年暮景飛騰漸作緣不知明歲逢今日得舞萊衣繞膝前

雪

密雪凌晨下遊曦傍晚晴捲簾侵夜入積砌照窓明漸覺東風勁能令南客驚孤山梅萬樹遙憶不勝情

復雪

春風吹不暖春雪落還輕遠樹迢迢沒高空再生飢

清代詩文集彙編

二

鷗盤大漠曉漏濕層城幾點梅花白飄殘畫角聲

奉天四首

二陵佳氣鬱葱龍

三殿晴光上碧空自昔聲名開漠北至今形勝扼關東
閭山聳翠金湯拱遼海環流帶礪同此是

聖朝豐沛地久看休養百年中

羽書夕報失遼陽獸突禽奔底事忙早見軍聲淪四路

還聞賊勢過三方河山久已無關鍵水火猶然聞廟廊

獨有

聖朝恩澤溥白頭父老紀壺漿

鉄騎憑凌黑水灣金甌卜吉鳳凰山賢王款塞皆歸國

謂諸蒙古上將聯鑣竟入關謂熊廷弼漢殿已聞銜壁走秦

庭猶許乞師還黃巾掃盡中原恨地下思陵血淚斑

日照雄城八面開奉天城鹿難遙聳勢崔嵬高樓映月

千燈曉綺陌鳴潮萬馬來北望祥烟凝玉座西瞻王氣

接金臺陪都壯麗吾能賦香案曾叨侍從才

奉天五元

柳條凝碧晚烟升放眼良宵興倍增四面衣香三里霧

一城明月萬家燈何來錦鈿當軒出是處紅關有客凭

他日夢華徵故事玉簫金笛記吾曹

過萬壽寺與住持談禪

我本靈山會上人偶然現作宰官身打色行脚多生業

又向遼東過此春

客庭東畔接禪房金碧莊嚴古道場好趁初晴日天子

晚風吹送入慈航

禪心難縛似奔猿來問堂頭不二門座上文殊空合掌

室中摩詰本無言

本來無有不須空魔佛稱量也只同爐火欲消歸去晚

出門吹面是春秋

三月初五日奉迎座師留少司空于高橋

陪都新進少司空東出關門氣象雄千載河山尊

帝里一時聲望壓羣公師門立雪經年別驛路看花此

日同父老也知迎絳帳扶携瞻拜野田中

廣寧牛廣文尚信宣化龍門人也謁選後徒步之

官過郡相見為買車送之戲贈七絕二首

一肩襤褸半肩書徒走關門千里餘贈爾青錢三百個

莫將沽酒且求車

梁肉紛紛久不聞幾多臺閣勢連雲庭階繫馬談何易

猶是輸他鄭廣文

十三山頂一石望之可五尺許儼然如人頭冠幘

分明眉目如西因命曰人面峰作七言一絕

山光遙映夕陽紅面相分明俯碧空他日能言應識我

曾經相對暮烟中

中秋二十韻

天上中秋月人間萬里情雄關鄉國遠霸官歲時更夜
色澄澄淨雲光冉冉生漸看樹出出已見入簾明矮屋
觥籌錯空階行藻橫詩懷應共朗酒醅恰同盈遙動長
安憶難忘往事繁蓋簪擢劍為覓句關折槍閨闔三星
迴蓬萊一水滢涼陰移玉砌冷艷落金莖紫禁當年侍
朱輪昨歲行乍觀驚兩度久坐愛孤清鏡滿垣城笑風
高綠扇傾嚴城吹函角密觀度歌聲塔影撐空直河流
遠向平柳邊寒露重松嶺晚烟輕春慢千家照登樓衆
緯呈窓前盤鶴影床下聽蛩鳴樂意聞中得鄉心玩處
萌故園當此日夕岩桂已齊榮

哭房師任先生啓運

嗚然當代一儒臣黃髮蕭蕭老病身已向
兩朝稱國士遂憑三禮號經神貧從早歲呼庚於責及
哀年識已辰啟手全歸無復恨十年

恩遇孰堪論

著述如身山斗高更無遺恨議纖毫
國恩已到官三品家學還留鳳一毛共說何休真學海
由來原節是人豪春風座上曾親炙夢裡追尋祇自勞
自出關來席不溫兩年治譜負師門驚聞喬木秋風折
哭向空郊暮雨昏佳日彭宣時入座異方宋玉獨招魂
歐公門下同袍士拭淚相逢話舊恩朝寧遠州進士王致清亦師丙辰

所得士也

堽進齋詩集

副都統達公饋鶴

天衢矯首未忘羣送到仙人丁令威多謝將軍初罷獵
能君子獨知歸見君子化為鶴遙呼伴侶瞻雲路自舞階
墀惜羽衣置爾雞羣吾不忍一琴相對莫輕飛

贈鶴

九天長嘯昔曾聞淨洗霜毛坐夕曛豈為垂軒思下土
每因拾矢戀高雲縞衣此日承新寵元圃何年返舊羣
我亦暫辭香案出無多清俸共君分

代鶴答

凌雲健翮刷風高修趾昂昂下九臯肯向荒山稱羽士
特來官閣伴仙曹稻梁有幸羣雌樂崑閬無端別夢勞

滄仗絕昭雙賦手幽經添注瀝霜毛

又賦斷句四首

昂首時時嘯碧空眼前凡鳥有誰同看渠獨立蒼茫處
猶似當年稽侍中
霜滿松梧訝曉寒雪飛樓閣舞珊珊祇應中岳崔文子
解把奇毛格外看
不愛樊籠自葆真斬新毛色絕埃塵若將仙羽遮凡眼
看破人間有幾人
高盤閣步展修翎遠勢翻空入杳冥他日買山資已足
便應為爾縛茅亭

寧遠州學正諸景賢饋鹿

裴園鎖瘞太姑名此是伊尼最善鳴往代記曾生佛母
佛母摩耶夫人多名唐清時且復見星精瑞光星散而女乃唐所生見報恩經為虎見春秋
斗極那能絕壁超岡去聊與隨車夫數行知爾孤高無
別食奈花華葉白雲橫

除夕

日影初沉燭影紅異鄉除夜故鄉同三冬忽似三春暖
一歲惟留一夕中事簡總由民氣樂情豪莫放酒杯空
明朝騎馬朝元去已是平頭四十翁

上元日廣寧道中曉行夜宿胡家窩棚子

春風更比冬風緊驛路山寒睡不醒畫語冬山慘澹而如睡曉騎
官馬續殘夢鞍背憎騰眼凝我生嬾惰常晏眠比歲

春朝習鞭鐙一麾出守難自由驅使從人猶妾腰上元
燈火憶故鄉金管玉笙繁可聽眼前茅屋幾村落歌鼓
連牆相答贈村姑裹足打鞦韆塞女盤頭簪綵勝火蓮
向晚十萬株明月無光星倒映柔蹄何事走得應笑
長官乏清興老翁憐我腰脚倦村酒茅簷羅飯酣醉中
歸夢江南春碧樹琪花滿香徑一聲喚起日又高破曉
凌兢我馬病

十八日入奉天城二首

春風與駿馬扶我入

帝里

帝里城八面面春聲起春燈雖已收春遊殊未已春

酒呼高建春盤列小市連宵響爆竹滿街堆碎紙遲曉
忽紛飛洒徑亂紅紫簾前解語花濃粧艷桃李城頭殘
雪樹入極繁梅蕊恍疑江南春但少鄉音耳
麗譙揮雲端漆城何蕩蕩曉日照
帝居金碧輝萬狀佳哉氣鬱葱
三殿兀相向綢帷
祖宗朝百戰肇開創豐沛始基之周漢由此王
鹵簿前歲來郊原列
天仗
恩施通蠕動群頌曠曲曠至今人氣樂浩浩春臺上觀
茲逢日麗景物正雄暢愧無班張筆摹寫都邑壯作詩

付車子聊用樽前唱

憶梅斷句四首

草色初勻日正韶東君作意染繁條西溪溪畔花千樹
幾日春晴雪未消

瘦骨浮香欲斷魂影斜尤愛月黃昏小窗玉魄依然艷
只少橫枝照酒尊

冷艷侵肌倚西闌東風猶釀十分寒一枝殘雪簾前樹
當孤孤山處士看

解佩臨流見玉妃迢迢鄉語夢中歸酒醒小院聞吹笛
月下敲門失綺衣東坡詩綺衣月下敲門

錦川石有序

錦州小凌河北入遼門繞城之西南歸于海中
產文石五色俱備佳者禽魚人畜山水草木之
形肖若繪畫然其石外皆有皮割之始見非習
識者不能得也每當新雨初霽水色澄淨土人
沿流而行負囊撮拾好事者以錢購之用供清
玩按爾雅東方之美者有醫巫閭之珣玕琪焉
郭璞注珣玕琪玉屬今醫巫閭屬廣寧縣境而
郎諸山皆發源于是金蔡珪詩云閭山盡處十
三山十三山屬錦縣正當凌河之東相去數十
里耳得毋爾雅所謂即此石乎抑陵谷變遷有
昔有今無昔無今有者耶故為作詩誌之俟博

雅君子考焉

臨海環眾山原出醫巫閭凌河入遼門繚繞諸山基水
石相噬嚙石乃遭水欺雲根忽破碎迸落千頃陂縱橫
瀉濤浪重疊堆琉璃蛟龍不敢吞光怪發瑰奇或踞如
雲湧或翠如葉垂或赤炫如丹或白膩如脂或如徐方
土或如蓬山芝秀外或頑中妍骨或皴皮鑿開混沌窾
剖出瑛瓏姿奇哉一拳頃中有古畫師丹青幾時設粉
墨何人施松柏產岡巒荇藻浮漣漪雅潛見魚鳥生動
開眉鬚養以清淨水貯之官哥篋洗刷日幾遍彩色愈
陸離蹈過青芙蓉搜訪無一遺勞勞竟何得好古祇自
疑何來幾老人晚獻陳堦堦清寒水一盞磊落石數枚

燦然射眸子眩久不自持云當雨新霽拾自河之涯乃
知陵谷變造物如兒嬉豈惟系海異玉徙珠能移愛既
不忍置賞罷還自嗤縱堪使眼飽詎得療腹飢受如劉
寵錢傷廉吾不辭

又賦七古一首為某公作

君不見女媧手中五色石彌縫不使天留隙至今光彩
難掩藏布作雲霞滿大宅又不見五鹿充宗吞石口岳
岳雄談垂不朽角雖已折猶崛強高踞泰山壓培塿我
公人品何瑰奇醫巫閭之珣玕琪冰腸似石兀不轉風
骨如山峻莫移平生獨抱相公癖丙丁甲乙羅山骨雖
然不似顛米顛相見時時具袍笏錦川佳產真奇哉偶

然拾得心顏開井花汲洗煥五彩芒碭雲氣蒸樓臺世
人多愛苦不足黃者為金白者玉惟公清亦畏人知嗜
好酸鹽絕流俗

往來廣寧道上春寒特甚默坐車中未嘗一望醫

巫閭山今日復過山下風日晴美橫峯側嶺各含

美態得七截四首正月晦日也

一車閉置如新婦盡日垂帷護峭寒自笑往來成底事
好山當面讓人看

接天高嶺望難分煖翠浮嵐盡入雲始信春風真 hands
丹青染出李將軍

高峰崛強渾如我短策招邀未有人一路寥廓看不厭

斷烟殘雪挹清新

馬蹄踏過碧芙蓉青笠紅衫入畫中此地有人知好事

已應摹寫作屏風

醫巫閭

馬上看山山似馬穴几萬群高復下憑誰勒住驂衰蹄
駐足昂頭綿朔野揀天紫翠望不斷生鎮幽都仰華夏
重瞳亦是愛山人攝位登封薦主尊巍然爵秩視公侯
藉甚功勳配城社

聖人紹述同虞廷豐鎬舊都垂福嘏

翠華前歲駐山前重啟朱甍開碧瓦斯時脩享飭守臣
玉帛趨踰盛都雅平生愛讀姬公書釋地釋山俱手寫

頗聞厥產珣玕琪倚過短筇情不捨茲遊恍與山神晤
珎玉垂旒甚蕭洒我跪問神主此山古今所見何如者
神言混沌一氣分萬水一山自開闢域中岳五厥鎮四
我位居一帝所假亘三百里當箕分歷十七朝祀無墮
兒孫羅列千峰巒有若茅簷依大厦兩九日月蕩胸臆
萬里風雲環踵蹀茫茫大海繞趾前下視祇同杯水瀉
有時襟袵走螻蟻往漢來唐車炙輶有時重疊綴蜂窠
三都四樓費公榷興亡閱盡纔頃刻笑口但供吾一呷
而我自視天地間一粟太倉亦等也須彌芥子孰大小
拳石恒沙誰衆寡我相過為區別見何異不祥金躍冶
我聞神言起再拜面目自多旋發頰欲將此理悟世人

安得千古變瘡痍歸來默坐拭烏皮尚有如椽筆堪把
賦才縱愧楊敬之用作歌詩聊復且

阿椿

阿椿剛解語啼笑有天真索邪投懷慣扶床學步新還
知親記憶書報骨嶙峋獨自憐鬢髮平頭四十人
為愛王符小還憐絳秀微懷中攜果栗掌上惜珠璣阿
姊時相傍諸昆遠與違他年能食肉真汝即高飛

奉題次京兆陳文古香圖用東坡十一月二十六

日松風亭下梅花盛開詩韵

閩南八郡多仙村梅花萬樹牽吟魂南枝含笑北枝榮
澹烟疎雨橫黃昏先生清福修得到蒼根手種庾信園

霜臺玉署較花冷向人肯復希春溫東來遼海秉玉尺
絳帳吟對扶桑暎舊圖展玩日幾次夢迴花底開柴門
銜冰香雪兩清絕相視而笑無一言酒酣示我興不淺
恍疑共舉花前尊

祖將軍墓

鼓噪東歸避逆鱗凌河往事不堪論當時縛將平臺日
股慄誰知更有人

投老輸誠上碧霄一時子弟盡同僚至今松柏墳前路
猶有人呼祖半朝

遊萬佛堂

在義州城北十五里石洞內鑿大石佛數百相傳北魏時鑿也

石骨何年鑿雲封古洞間入門如出世見佛即看山塔

影當簷直河流繞旬彎爐香閒坐久栖鶴自飛還

又賦二絕

妙相莊嚴得未曾登臨試門小乘僧眼前頑石都成佛
何事人間總不能

藤徑荆崖手自披雲根斷處出殘碑劫灰難話千年事
獨有空堂古佛知

遊寶林道中口占

洞左方一小洞內有碑乃魏大和二年物也義州城南六十里
斧劈皴成逸勢奇淺紅深碧綴巖巖垂鞭一路看山色

寫出天然黃大痴
兩峰夾澗路全迷亂石縱橫礙馬蹄行到寺門山更峻
層樓高聳夕陽西

寶林寺

千尺危巒闌碧空峰腰佛閣望重重松陰匝徑隨陽轉
巖影當窻入暮封手直可捫垂日脚皆如欲裂漫雲霄
行春偶向禪堂憩消受爐烟坐晚鐘

寶林八景

空山遺片石高處不勝寒待吐松間月携琴石上彈
人臺

矯首望碧空躡足立山頂羣雞五更啼爾獨睡不醒
金雞石

搗藥知無暇何年下廣寒雷公追不得化作一峰看
兕峇

堽進齋詩集

短策欲尋仙徑路杳無處時見白雲移仙人過橋去
人橋

何為不二門默然靜者是相對者不言古佛示此指
佛頂

佛宇凌丹景山巒破碧空開窻遙遠目千尺豁屏風
壁山

易卦六十四直養取諸井猶嫌汜注勞倒卧在山巔
倒井

蕩蕩雲氣濃石壁攀援上他日獲重遊莫笑門外漢
天門

宿寶林寺

樓勢湧峴岫山高夜氣嚴佛燈心自定禪榻夢初甜
虎嘯風生樹雞鳴日上簾勝緣難久憩騎馬出深崦

出寶林

禪關一榻宿緣存頂禮爐香別世尊總出山門樓更迴
復緣嶺路樹重捫奇峰扼境雲霞立怪石沿途虎豹蹲
歸去應須尋畫手好描橫幅倩清尊

望寶林戲成一絕

行人踞壁蟻緣厝僧舍依巖蜂作房此景不須圖畫取
看詩應比卧遊強

携別駕福長廣文蔡煇伍錦同遊虹螺山宿望海
寺

香厨一宿是前緣，聊與殘僧話夜禪。山靜不知生處鬧，月明初覺此心圓。栖烏欲動呼春夢，獨樹無依出曉烟。居士前身多佛性，睡魔那律已全捐。

望海寺十二韵

古屋懸崖立，修岩拾級登。林深知有虎，寺靜欲無僧。破棟嵐光入，空塔嶂氣蒸。曲闌憑已倦，遠目縱還曾。醉象訐顛石，驚蛇怖古藤。臺樓紅蜿蜒，鈴塔碧層層。暮色連村杳，秋容入漢澄。上方初月迥，下界漸烟凝。怪石如人立，奔雲似馬騰。鼠窺欺古佛，鵠響怵明燈。世遠心俱寂，山寒夜不勝。曉來携竹杖，密影踏千層。

下虹螺山道中口占示福別駕蔡伍二廣文

亂石崩沙管送迎，人携仄徑似相爭。一枝竹杖真良友，相傍危巒步步行。脚底雲生望欲仙，下山人比上山便。君謨老去猶強健，跋扈飛騰過少年。短策廣文知覓路，長髯別駕解攀藤。扶筇更笑携賓守，竟似深山行脚僧。陳迹團團往轍存，又辭山路出前村。天風半嶺還留客，吹落鐘聲到耳根。

喜二姪至

五月邊風氣尚寒，郡庭沽酒脫征鞍。萬金携得家書至，為是思兄不忍看。

荒城賓從尚如雲，阿買東來已善文。從此詩成應更快，不徒書法張吾軍。

不見三年氣象增，花開果應昨宵燈。獨憐痴叔仍如舊，勉效時趨尚未能。

東方一星

東方一星代明月，芒色高寒映心骨。月歸滄桑無還期，星近紫垣尤發越。二十八宿布四方，分光散彩不可當。群星撒沙互環拱，絕勝明月居天堂。上天蒼蒼下土魚，魚酌酒相賀清光滿。池滿池還滿，室寒空風瑟瑟屋上雞將鳴，雲端日欲出。

仇先生池號雪舟精醫能詩而豪飲予里人也甲

子來錦今年夏得噎症入秋轉劇自知不起慮遺骸之不得歸也求予助之予既為之部署復出照求題必欲生見之為賦此詩

與君同里未相見，却向他鄉共舉杯。海舶每當南酒至，郡庭常喜故人來。不知旅病何緣作，莫慮家園幾得回。寄語維摩須悟徹，由來明鏡本非臺。

問仇池疾

前生流水今生我，流水佛多生行輩之名宿世維摩此世君。我墮塵寰成俗宦，君來示疾愴離羣。雪山古樹憑誰覓，方丈天花祇自紛。欲遣文殊相問訊，乞將香積與同分。

堽進齋詩集卷八

錢塘金大淳質甫

錦川集下

丙寅元旦試筆

衡歌徹夜聽喧嘈
鼓晨過復幾遭雲影送將晴旭
鹿爆聲飛入曉風高
暖迴官閣梅初綻
笑對青山客自豪
薄宦四年消受得
年年景物助揮毫

正月望日宿大凌河

東風知我欲行春
吹淨迢迢陌上塵
山色乍迎人面笑
烟光又染柳條新
時清大漠閒群牧
凍解長河上細鱗
向晚却投村店宿
燈紅猶愛月如銀

自郡至奉天途中斷句六首

門前春帖十分紅
院落鞦韆處處同
繞郭人家知寂寞
酒帘斜飈試燈風

輕冰未泮女兒河
作隊紅裊水畔多
映取春山眉黛
分明玉鏡不須磨

橫峯側嶺闌
屬顏滑笏春冰未可攀
馬首送迎三十里
垂鞭看殺十三山

嵐影重重抱郭周
巖城燈火萬家稠
遙看雙塔穿雲出
知有春人倚寺樓

道人結屋俯平川
點數春光四十年
較是今年風信晚
柳條如夢未含烟

柳河溝某道士立閭聖廟於此修築堤橋植柳數千株已四十年矣蓋

得道者

月落疎星幾點橫
栖鳥忍凍寒無聲
頭銜舊是條冰冷
差耐春寒賦曉行

春寒

春乃寒如許
圍爐獨閉門
草痕萌復死
山色曉逾昏
風急鴟聲苦
冰堅石氣尊
何人牆脚下
曝晴暄

廣寧道中口占

草色春回乍有無
幽禽坐樹自相呼
青山紅寺黃茅店
裝點吟身入畫圖

二十八日曉入郡城

嵐氣巖巖暗人家
戶戶為城高懸缺
月河濶落殘星漸

覺市烟白微分隄柳青
晨迎煩父老春滿短長亭

數日以來春寒特甚再賦二律

客歲錦郡收止五今次為開農也

遲景如嚴景東風劇北風
聽水孤涉夜避雪鳥依叢
笛斷梅三弄爐圍酒一中
知他茅屋底僵卧幾衰翁

昨歲憐空園今年望滿篝
土田寒更圻村老生愁
幾得天公憫先看地氣柔
千村啼布穀歡喜策耕牛

雪霽後入寧遠州城

霽雪隱高樹晴雲濕不收
山光驚馬眼天影壓城頭
市小人烟聚春深社鼓稠
麗譙吹角罷旌旆晚悠悠

閏三月四日遊醫巫閭山

平生聞說閭山勝
守郡三年今始登
石角鈞衣藍細路

洞門迎面落長冰青收大地三千界翠繞危巒一萬層
身作飛仙凌絕頂不知塵世更誰能

錦州效竹枝詞一百首

錦郡古幽州地周禮秋官職方氏東北曰幽州
其山鎮曰醫巫閭是也秦漢以來為遼西三國
初為公孫氏所據晉末入于北魏唐為營州五
代及宋沒于遼金及明代元省郡縣為衛屬之
山東省至

國朝肇基長白建都瀋陽繼乃定鼎燕京而斯土
遂為留都重地然僻處關外舊未有志雍正十
二年始修省志簡編缺略未盡美善予自乾隆

八年來守此郡即有意創修郡志迄今未逮九
年冬奉部新例太守必按季巡歷所屬州縣于
是一車兩馬遠村荒堡無不畢經時以見聞發
為吟咏得絕句一百首用俚語為竹枝體當土
風焉亦其後之覽者有以成我之志也

星分析木古諸侯遼水西歸日夜流出得關門終八里
地圖指點說幽州

兩縣屬幽州為析木之次遼河即巨流河也在廣寧
里鋪屬承德縣一百八十里出山海關八里為八
里鋪屬承德縣一百八十里出山海關八里為八
里鋪屬承德縣一百八十里出山海關八里為八
里鋪屬承德縣一百八十里出山海關八里為八
萬國雄圖二世空長城遺構立關東須知盡是征人淚
土色千年尚帶紅

紅牆以上紅色故名相傳即秦長城牆以西為臨榆
縣境牆以東為寧遠州境元史又謂之紅城
姜女當年事有無紅牆血淚尚模糊可憐遺廟平崗頂

山石猶然解望夫

廟建崗上祀奉貞女許孟海中有石與廟相對俗
稱是流俗傳記孟女事不見正史其墳又石也
城上悲茄夜夜聞邊車馬日紛紛舊時此地兵聲壯
留得民居號老軍

老軍此在紅牆東相明季屯軍廣錦縣亦有之

關門深鎖斷人行擁護虛張五大城已見黃巾居紫極
商勞白舫載蒼生

山海關外中前所前屯衛中後所寧遠州錦州明季
謂之五大城當季自成兵至宣府時思陵即詣吳

三桂勤王而斯時吳三桂方以海艘載山海關外居
民由海入關遲之數日賊已破京城矣
姜女墳前空有石李玉墓上已無碑何如家世傳忠烈
異代悲蘿禁有司

李玉墓在前屯衛北塚大數十畝名世無考楊少
保名昭昭忠壯嘉靖時戰死其墓並在前屯衛城外至今每年
終寧遠州知州出具守墓印結申送存案云

鮑官嶺上草凄凄餒鬼呼風落日低七十老公何所欲
至今遺臭說平西

鮑官嶺在中後所東相傳吳逆葬其父墓於此迨吳
逆作亂發其墓棄之海中俗又稱為暴棺嶺云
孤村白廟魚紅廟小堡蓮花更芥花芥菜溝中長芥菜

芝麻灣裡種芝麻
白廟子紅廟子芝麻灣芥花墓各村在中後所西連
花池芥菜溝各村在寧遠城東

老人橋下仍為石神女山中盡是峰欲守四方須猛士
將軍名號是誰封

鎮遠將軍石在前街西石柱高十餘丈上刻萬古警
天四大字柱下有碑陽刻鎮遠將軍石陰刻天古警
皆明時所定也碑西為臨榆縣界碑東為寧遠州界明

大王墳上大王風世代無稽姓氏空輸與長人巨無霸
塔名猶是駭兒童

大王墳在前七街西北名世無考此故名巨無霸塔在寧
遠州西南相傳長人巨無霸生此故名

葉家墳樹鬱青蔥站路沙河轍跡通古道碾成碁局樣

葉家墳在中後所西明鎮國將軍葉廣墓也墓碑尚
存今為往來大道沙河站亦在中後所西皆大道

望海店前海氣吞望海店後海風溫水開遙見帆檣集

南酒南糖貨滿村

望海店在寧遠城西錦邱百貨皆由海舶而來九南
貨皆稱之曰南云

六股河中六股水四方臺下四方人生憎水逝人俱逝

莫道人陳水不陳

六股河在中後所東四方臺在中後所西又錦縣廣
寧縣亦俱有四方臺皆有明時廢斥廢也

五泉無復舊時踪三首懸流洄不通獨有九隆山上塔

年年孤立自撐空

嘉山在寧遠城西上有泉五名五泉三首山在寧遠
城東三峯如首故名九隆山在寧遠城西北上有塔
相傳唐太宗所建

華表深書哈哈番墓門羊虎各雙存石坊猶刻前朝爵
一姓鋪張兩代恩

堽進齋詩集

祖大壽墓在寧遠城西南墓上豐碑刻云武將軍精
理遠東掛紅番祖公之墓又城中石坊二一武將軍精
都督少傅掛紅番祖公之墓又城中石坊二一武將軍精
左軍府右都督祖大壽一時刻贈崇禎大左軍都督府左

一泓澄碧吐輕溫暖氣如雲日夜浮安似泉心長不冷
即如泉水莫分流

湯泉在三首山下寧遠城南乾隆八年
祖陵地方官修建

覺華孤島水中央淺岸平沙路渺茫莫問將軍舊營壘
海風愁見陣雲黃

覺華島在寧遠城南孤峙海中明末祖大壽曾屯兵
於此見明史

波路迷茫足避秦桃花遙峙海之濱興城古縣留遺趾

可有漁人來問津

桃花島在寧遠城西南海中遠時於此設興城縣今
遺址尚存居民數十家駕小舟以渡

萬勝連橋海運長五城積貯比通倉由來根本宜殷實

誰復當時舊海防

明時寧遠城南設五城名海防一二三四五城其海
運之根皆積貯于此今毀

首山皆翠產黃金古寺山腰萬木陰憑仗蓮臺鎮岩穴
斷他塵世啟貪心

三首山上有朝陽寺可以望海相傳佛座下乃金礦

高城後所連中所破堞中屯接右屯戰骨已看成真土
女牆啼鳥似招魂

中後所城明宣德三年建在寧遠城西中前所城亦
明宣德三年建在中後所西廣寧中屯衛即今屯

清代詩文集彙編

一一一

樹在府治東南明永樂中建按明季此數城皆戰塲也

半夜曹莊直到明高橋城遠塔山城行人盼望長堤路更有迢迢連五更

曹莊驛明置在寧遠城西舊有堡今毀高橋堡在錦縣西其城明宣德中建基尚存塔山堡在高橋西即中左所宣德五年建城基尚存塔山堡在高橋連五更其道路之遠也大約開外每百里較之關內多二三十里

也無紅杏也無松刺有青山四五峰戰壘犁平春隴潤迎猶賽虎集春農

杏山堡在錦縣西南松山堡在錦縣南城基皆尚存杏山堡內有墩臺一座上有明總兵官祖大元碑記太宗皇帝御洪承疇處也

百里雄邊送遠波小凌河接大凌河顏垣破堞看看火

縛草誅茅漸漸多

小凌河在錦縣南大凌河堡在錦縣東二河皆發源遼外小凌河入自松嶺遼門遼錦縣東南流入海大凌河入自清河遼門遼錦縣東南流入海大凌河入自清河遼門遼錦縣東南流入海大凌河入自清河遼門遼錦縣東南流入海

亭亭塔影鎮當中百戰嚴城氣象雄闊盡興亡無語處半空鈴鐸自搖風

錦州城內廣濟寺佛殿前有塔適居城中塔下有碑金高建拱其高二百五十尺塔上三層層八角造于遼道宗清寧間藏皇太后降生之舍利子也明打武末武進伯沐某北伐過寺仰見塔上金頂架炮打落昇去山海云

將軍舊第有高樓簾捲西山萬里秋此日笙歌墻裡沸醉圍紅袖是在頭

錦城內西南隅有高樓相傳祖大壽舊居今屬庄頭金姓人呼為金家樓房

古墓豐碑棄葛王柳城祠廟久拋荒如何糜碎蚩尤骨故府猶傳大石塼

葛王碑在錦城北有塚大數畝其碑已失惟存龜趺一石名世不可考矣土人呼其地為葛王碑相傳其碑沉馬按此塚或初葬至奉天欲有所用過詎詎而考地景行遼道宗追封柳城郡王建祠蓋詎詎而考今吳逆平後廢展今其骨于各省以為永鑒

西關新築護城堤繞郭彎環望似寬多謝尚書衛鄉里滿城從此得安棲

乾隆二年小凌河水決河身從近城基乾隆六年今刑部尚書兩江總督尹公繼善奏請于錦城西關外築護城堤公捐家資築之堤身長五百丈自乾隆八年冬經始至十年春告竣凡用白金二萬九千兩及

十一年夏淫雨水漲隄之不沒者尺許居民賴以

錦川細細風梭就錦石班班水染成儂如錦水即如石石自無情水有情

錦川即小凌河也其近城一帶謂之錦川中產文石五色俱備謂之錦川石好事者取以為玩好蓋方物也于曾有詩詠之見上集

高原一望渺無涯豐草青青盡吐芽五十三屯同日從舊時此地是桑麻

錦州馬廠西起高橋東至大凌河周圍數百里康熙年間始設舊有民屯五十三所因立馬廠徙之紅螺山左右相傳當日膏肓之產也

四樓烟景終塵埃兩朵紅螺翠作堆尚有官牆巖畔石遊人指點說妝臺

大紅螺山小紅螺山俱在錦縣城西二山相連綿亘百餘里小紅螺山上有梳妝臺遺址又有宮牆夾道舊基相傳遼太后所居

雨葉烟條雙樹鋪大書深刻四通碑道旁和尚應泰徽岐路多歧却為誰

雙樹鋪在寧遠城東舊有堡今毀四通碑在錦城東南有碑四通明王等刻其受封敕書也老和尚墓在錦城西南九十里為錦寧二度分界處

屯名網戶地名泥漁弟漁兄舉網齊待得春深三月雨魚蝦成市價錢低

網戶屯泥塘皆在錦縣治內

天橋跨海似長虹大小山形筆架同估舶春來冬入去但憑水面一帆風

天橋廠堡在錦城西南大筆架山小筆架山在海中形如筆架故名天橋者海中沙也二山相距四里許朝退汐見亘于兩山之間可通車馬大筆架廠三四月船來至十月小雪前候西北風報歸盡

烟髻堆青春日遲野花隨意點胭脂長隄一道展腰草鏡面平指看女兒

女兒河在錦城西與小凌河合流入海

金牛突兀豁山陽古洞觀音接二即打樂有人携斗酒踏青終罷又乘涼

二即洞在錦城西北金牛洞在二即洞東十里觀音洞在金牛洞西北金牛洞在二即洞東十里監王某等就洞建寺擬落人謂嬉遊為打樂樂字去聲蓋方言也

堽進齋詩集

隄柳含烟翠作窩十三山色画修蛾誰人省識春風面小店猶傳禿老婆

禿老婆店在錦城東十三山在錦城東其山共十三峯故名山上有洞亦名金牛洞

山色朝朝上短牆山光夜夜繞迴廊分明一樣看山眼即望青山望望郎

望郎山在錦城東與十三山相對望見醫巫閭山也

不識胡僧山大小尚能大小識查牙端州城郭無尋處只有陶河一道斜

遠文地理志錦州臨海軍有大胡僧山小胡僧山大查牙山小查牙山陶河島今皆不可考元史錦州隸瑞州

一片平沙五里營種瓜十日足謀生飛霜落瓜流水滑

世業家學即平五里營在錦城東五里居人皆種瓜甜美甲于一郡錦郡地土以六畝為一日十日六十畝也

誰當光弼有思明忠逆何緣一地生若使當時為賊用中與李郭孰齊名

李光弼錦州人即今錦州也安祿山營州柳城胡也史思明與祿山同鄉里先生祿山一日祿山不用臨淮後悔曰史思明可以當之

將軍忠烈異方存俎豆新崇祀典尊何事故鄉無廟食願修楹桷安忠魂

